

العقيدة الطحاوية 09 - الصراط

محمد حسين يعقوب

اعوذ بالله من الشيطان الرجيم بسم الله الرحمن الرحيم ان الحمد لله احمده تعالى واستعينه واستغفره واعوذ بالله تعالى من شرور
انفسنا ومن سيئات اعمالنا من يهده الله فلا مضل له - [00:00:02](#)
ومن يضل فلا هادي له واشهد ان لا اله الا الله وحده لا شريك له واشهد ان محمدا عبده ورسوله اللهم صل على محمد وعلى آل محمد
كما صليت على ابراهيم وعلى آل ابراهيم انك حميد مجيد - [00:00:22](#)
اللهم بارك على محمد وعلى آل محمد كما باركت على ابراهيم وعلى آل ابراهيم انك حميد مجيد يا ايها الذين امنوا اتقوا الله حق
تقافته ولا تموتن الا وانتم مسلمون - [00:00:47](#)
يا ايها الناس اتقوا ربكم الذي خلقكم من نفس واحدة وخلق منها زوجها. وبث منهما رجالا كثيرا ونساء واتقوا الله الذي تساءلون به
والارحام. ان الله كان عليكم رقيبا يا ايها الذين امنوا اتقوا الله وقولوا قولا سديدا يصلح لكم اعمالكم ويغفر لكم ذنوبكم - [00:01:09](#)
ومن يطع الله ورسوله فقد فاز فوزا عظيما. اما بعد فان اصدق الحديث كلام الله تعالى وخير هدي هدي محمد صلى الله عليه واله
وصحبه وسلم. وان شر الامور محدثاتها وكل محدثة بدعة. وكل بدعة ضلالة - [00:01:42](#)
وكل ضلالة في النار ثم اما بعد فاخوتي في الله والذي فلق الحبة وبرأ النسمة اني احبكم في الله واسأل الله جل جلاله ان يجمعنا بهذا
الحب في ظل عرشه يوم لا ظل الا ظله. اللهم اجعل عملنا كله صالحا واجعله لوجه - [00:02:05](#)
خالصا ولا تجعل فيه لاحد غيرك شيئا احبتي في الله كيف حالكم مع الله جئتمكم الليلة معزيا اعزيكم في موتي وجب مات شهر رجب
انقضى وبدأ شهر شعبان وما ادراك ما شعبان - [00:02:27](#)
اللهم بلغنا رمضان اللهم رمضان وسلم رمضان لنا وتسلمه منا متقبلا اخوتي شهر شعبان شهر الحياة من الله وكم تفكرت في خلال هذا
الاسبوع طويلا ومليا وبحثت كثيرا وبدقة كيف - [00:03:00](#)
تعرض الاعمال على الله قعدت افكر وادور واسأل واستشير شهر تعرض فيه الاعمال لقيت نص الحديث كده تعرض فيه ايه مش
الصحف يا نهار ابيض عملك يعرض على الله يعني مسلا - [00:03:34](#)
كدبة كدبتها تعرض الكدبة دي على ربنا خيانة خنتها الخيانة نفسها تعرض على ربنا شكك ايه قدام ربنا وقلنا ان استشعار هذا الامر
سيعينك على استشعار العرض على الله يوم القيامة - [00:04:10](#)
يومئذ تعرضون لا تخفى منكم قافية ولكن احيانا يعيش الانسان بين القبض والبسط فاسعدني ان في شعبان ليلة النصف من شعبان
وليلة النصف ليلة مباركة صح حديثها عن تسعة من الصحابة - [00:04:41](#)
بعض الناس بياخذ كده بالصوفة ويقول ايه؟ ليس في نصف شعبان حديث او ليس في شعبان حديث صحيح. لا لا لا. صح الحديث ان
الله جل جلاله يطالع الى عبادته ليلة النصف من شعبان فيغفر لجميع خلقه - [00:05:18](#)
الا لمشارك او مشاحن. اللهم اغفر لنا يا رب وسبحان الملك ربنا كريم ولولا ان الانسان وجد هذا الحديث لتفطر قلبه خوفا وحذرا وحزنا
وغما ونكدا والما كيف تعرض الاعمال على الله - [00:05:38](#)
في الشاهد ان هذه الليلة لا يوفق لها الا من اراد الله ان يرحمه اللهم ادخلنا في رحمتك برحمتك وانت ارحم الراحمين ايها الاخوة انا
احبكم في الله وخايف عليكم - [00:06:06](#)
وخايف على نفسي قبلكم اللهم استرنا اللهم عافنا اللهم اهدنا اللهم نجنا اللهم الطف بنا اللهم اصرف عنا اللهم سبتنا اللهم اللهم اللهم

اعنا اللهم خذ بايدينا هذا الوضع الذي نعيشه في هذه الايام - 00:06:36

وضع مريب يجعل الانسان يتساءل دوما على لسانه كلمة من نجاة؟ كيف انجو والاجابة في كلمة واحدة فقط انشغل بنفسك ولا

تنشغل بشيء اخر انشغل بالله ولا تنشغل بشيء اخر مطلقا - 00:07:09

كن لله ولا يكن فيك شيء ابدا لغير الله هذا هو السبيل الوحيد للنجاة في هذه الايام. الشاهد ان بعض الناس يقول ان شاء الله ليلة

النصف من شعبان نربطها - 00:07:40

وانا عايز اقول لك ان المعاملة مع الله ما تنفعلش كده فاكرين قصة قلت لكم قبل كده واحد من شبابنا نقول له يا ابني رمضان داخل

عندنا دورة في الاعداد لرمضان للدورة الاستعداد لرمضان. اقعد بقى - 00:08:06

تعال اعتكف واشتغل معنا يقوم يقول اه ان شاء الله انا مزبط نفسي من اول يوم في رمضان اجازة وآ الاسبوع الاولاني عمرة

وارجع وبعد كده عمرة ثانية في نص رمضان وارجع وبعدين العشر الاواخر اعتكاف في مكة - 00:08:27

انا مزبط نفسي على رمضان يا ابني ما ينفعش ان واحد يقول انا اول رمضان هبدأ داء وجاء اول رمضان فاصيب اباه بجلطة وحمله

الى فرنسا وقضى رمضان بين ممرضات فرنسيات - 00:08:48

التعامل مع ربنا ما ينفعش كده ان انت تقول له هبقى اجي لك احنا قلنا من احسن في ليله كوفي في نهاره ومن احسن في نهاره

توفي في ليلة ما بتقومش الليل ليه؟ لانك عاصي بالنهار. بتعصي بالنهار ليه - 00:09:15

بانك ما قمتش الليل نفس الشيء اوعى تفكر انك هتوفق في رمضان وانت مضيع شعبان او هتضيع او تتوفق في شعبان وانت مضيع

رجب الا ان تتوب وتبدأ فورا اما ان تخادع الله وتسوف معه - 00:09:34

نسوا الله فنسيه لذلك يقول اللي عايز ينجح في رمضان يفوز بـرمضان متى يبدأ من الان كان رسول الله صلى الله عليه واله وصحبه

وسلم يصوم شعبان كله. يصوم شعبان - 00:09:55

كله يصوم شعبان الا قليلا يعني ثمانية وعشرين يوم من شعبان صايم صلي عليه. صلى الله عليه واله وصحبه وسلم. ابدأ صيامك كان

ازا دخل شهر شعبان اغلق السلف حوائيتهم واقبلوا على المصاحف فقرأوها - 00:10:15

كانوا بيسموننا شهر شعبان شهر القراء افتح مصحفك بقى وابدأ خلي لسانك يجري مع القرآن خلي لسانك يجري في الزكر. ابدأ اتعود

النهاردة اللي بيصلي صلاة بعد ما خلص صلاة - 00:10:35

مش متعود مش متعود انه يقف زيادة شوية مش متعود انه يطور ركوع وسجود اتعود ابدأ اتعود السهر عشان ما تنمش في

الصلاة. اتعود التعب وقلة النوم عايزين نبدأ هدنة حقيقية - 00:10:54

احنا قلنا اللي ماشي بعربية على سرعة مية وعشرين ولا مية وتلاتين عشان يقف لازم كنت بقول للراجل الميكانيكي انا زعلان ان

العربية ديت انا على سرعة مية وستين وادوس فرامل ما بتمسكش. قال لي اه ما فيش عربية - 00:11:10

تيجي على مية وستين ما ينفعش تدوس مية وستين تقف وانما عايضة ايه تهدي مية وعشرين وبعدين مية وبعدين ثمانين وبعدين

ستين وبعدين تقف لكن النهاردة انت سايق في الدنيا ووخداك الدنيا وقاعد ليل ونهار تتابع الاخبار وتتابع والتامن وتسوي وتتكلم

وتدردش وتناقش - 00:11:25

اسمع وتفرج لحد ما يدخل رمضان سب ادخل ما ينفعش لازم من التمهيد قبل رمضان هذه سنة كونية ان تبدأ منز الان ازن كفاية كده

ولا لسه لسه لسه طب هخلص امتى المولد ده - 00:11:46

مش هخلص وانتم فاكرين انه هخلص مش هخلص فلذلك سيبك من المول انت خالص وخليك مع ربنا اقبل على الله انشغل بالله

انشغل باصلاح نفسك وما يكون سيكون سواء انشغلت به او لم تنشغل - 00:12:12

انت هتعمل ايه ولا حاجة نحن الملعوب بنا الشاهد نريد منذ الان ان نبدأ خطة لشعبان ما فيش لعب بقى الله الله على الجد لازم

اربطك في الكرسي يعني هيا ننشغل - 00:12:37

هيا ننشغل بربنا وبربنا فقط هيا ننشغل باصلاح انفسنا وباصلاح انفسنا فحسب ابدأ منز الان ان تقرأ كل يوم خمسة اجزاء بدون تردد

ما تفاصلش اوعى عمرك في حياتك مرة تقول لي مش هقدر يا سلامة. هتقدر - [00:13:09](#)

ازاي قلت لك قبل كده عندنا خمس صلوات في اليوم نقرا مع كل صلاة جزء قرآن نصف جزء قبل الصلاة قبل اذان الظهر قبل اذان

الفجر نصف جزء. وبعد اذان الفجر نصف جزء - [00:13:40](#)

قبل اذان الظهر نصف جزء وبعد اذان الظهر نصف جزء. والعصر والمغرب والعشاء. خمس صلوات بخمس اجزاء في اليوم. ختمة كل

اسبوع لا تتنازل عن هذا. انا ما فضلتش اقرا قبل الظهر اقراها بعد الظهر - [00:13:56](#)

ما فضلتش اقرا الظهر خلصت اقرا الجزئين في العصر ما فضلتش لحد بالليل اوعى تنام قبل ما تخلص الخمس اجزاء. هاموت يا شيخ

موت موت وقابل ربنا وانت بتقرا قرآن - [00:14:13](#)

موت حد لاقى يموت اليومين دول اللهم ارزقنا حسن الخاتمة وعجل لي بذلك يا رب. الشاهد ايها الاخوة خمسة اجزاء سم صم يوما

وافطر يوما مشيها كده من بكرة بكرة ايه - [00:14:30](#)

الخميس ان شاء الله. صم خميس وافطر جمعة. وصوم سبت وافطر حد وسمعة اتنين وافطر ثلاثة وصوم اربع وافطر خميس وصوم

جمعة وافطر سبت يوم ويوم مشي شعبان كله يوم ويوم ما تفاصلش - [00:14:47](#)

اوعى تقول لي انا هصوم آآ عايز تزود؟ اه ماشي نزود. لكن نقص عن كده ما ينفعش اشتغل واذا صمت فليصم سمعك وبصرك ولسانك

كل سنة نقول وما نعملش ان احنا هنجيب استيكر مكتوب عليه مغلق للتحسينات - [00:15:02](#)

ونلذقه على بقنا لسه اه انا جربتتها من كم يوم عملت فيها اخرس ونتعامل مع الناس بالاشارة ولو احتجت انك حاجة تكتبها في ورقة

اتعلم بقى اني نذرت للرحمن صوما فلن اكلم اليوم انسيا - [00:15:31](#)

اقفل بقك شوية بقى بطل كلام شوية. لسانك ده هو اللي موديك جهنم والعياذ بالله قال رسول الله صلى الله عليه وسلم وهل يكب

الناس على مناخرهم في النار الا - [00:16:05](#)

حصائد السنتهم قل لي مش انا مش انت امال مين اللهم قنا شر السنتنا. يا رب قنا شر السنتنا يا رب. يبقى بدأنا بالقرآن خمسة اجزاء

يوميا. ثانيا الصيام ولما - [00:16:22](#)

صوم اوعى لا تجعل يوم صومك كيوم فطرك لازم تتغير صباغك تتغير اخلاقك تتغير طريقة كلامك تتغير نظراتك تتغير عينيك تتغير

فاكرين زمان راحت فين الحاجات بتاعة زمان دي كان اسمها مواجهة الشهوة - [00:16:41](#)

وقلنا ان اللي مش قادر يغض بصره يعمل ايه يلبس نضارة سودا نضارة سودا ثقيلة بحيس انه ما يشوفش عدل طب لو ما نفعش

ولقى نفسه خاين وقليل الادب وبرضو ببص من تحت النضارة - [00:17:06](#)

يحطه على على النضارة قطن يغمي عينه ويسب عين بنص عين ما نفعش غميها خالص شف حد يسحبك حط بلاستر على عينيك

اقفلها عينيك اللي هتوديك جهنم دي اقفلها استغنى عنها - [00:17:25](#)

لازم قل لي ده احنا ايام امتحانات ومذاكرة افتحها في الامتحانات يا عم وفي المذاكرة لكن في الشارع ما تفتحهاش هو احنا هنلعب

على بعض؟ ما علي انا تلعب لكن على ربنا ما تقدرش - [00:17:45](#)

انتبه عاج الامور دايم اقول انه في الطريق الى الله نحتاج الى علاجات حاسمة وفورية ونهائية لا مؤقتة ولا جزئية في الطريق الى

الله نحتاج الى حلول حاسمة وفورية ونهائية لا مؤقتة ولا جزئية - [00:18:00](#)

حل مشكلتك فوراً النهاردة قبل بكرة حل مشكلة لسانك وكف عن الكلام حلي مشكلة عينك واعمى شوية عشان تعرف نعمة البصر حل

مشكلة ودنك واقفل تليفوناتك ربحها شوية كف عن التليفونات شوية وامنعها شوية - [00:18:33](#)

واقبل على الله قل له الهي اليك جئت جيت لك يا رب بزئوب سنة وهموم سنة وقزارة سنة ومشاكل سنة وانا اعلم يا رب

انه لا يقدر على مغفرة الذنوب الا انت - [00:19:00](#)

قال الله من علم اني قادر على مغفرة الذنوب غفرت له قل لا اله الا الله كن على يقين ان الله قادر وحده القادر لا يقدر على مغفرة

الذنوب الا هو - [00:19:40](#)

لكن اكرر وازيد اياك ان تتلاعب بالتوبة تقول تبت وانت مش تايب في الصيام ليصم سمعك وبصرك ولسانك ولا تجعل يوم صومك
 كيوم فطرك ثم خذ بحظك من العزلة لازم في شعبان - [00:20:01](#)

نبدأ ناخذ وقتين اعتكاف من بعد صلاة الفجر الى الشروق ومن المغرب الى العشاء يوميا لازم يوميا يبقى لك خلوة قل لي طيب انا
 بالمغرب والعشاء مش فاضي في الشغل ما بقدرش - [00:20:35](#)

يبقى بالليل في ساعة ونص لوحدك مقفول عليك وما معكش حد ولا تليفونات خلوة خذ بحظك من العزلة اعتزل الناس في هذا الشهر
 اعتزلهم وانت بينهم شعوريا. العزلة الشعورية اعتزلهم نفسيا - [00:21:00](#)

يعني في وسطهم ومش معهم دماغك مشغولة بربنا وقلبك مشغول بربنا ثم في المسجد يا اخوة لازم نقدر المسجد قدره في حديس
 اتدرون فيما يختصم المأ الأعلى في الكفارات والدرجات - [00:21:27](#)

فقال في الكفارات والمكث في المساجد بعد الصلوات انك تصلي وتفضل قاعد ما تقومش ما تمشيش اللهم فرج كربتنا. اللهم ازل
 الغمة عن جميع الامة يا رب المساجد تفتتح ما تتففلش بقى يا رب - [00:21:58](#)

ان المسجد اي مسجد تصلي فيه افضل قاعد ويطردوه يقول لهم سيبنوني قاعد انا قاعد عند ربنا شوية في بيته مش عايز اخرج ما
 تخرجونيش الحمد لله انا في الفترة الاخيرة - [00:22:30](#)

والله على طرق السفر وجدت مساجد كثيرة لا تغلق مفتوحة بصفة مستمرة وهذا من فضل الله ان يعود هذا الامر ان المساجد
 تفضل مفتوحة ان بيوت ربنا تفضل مفتوحة ليل ونهار مفتوح - [00:22:47](#)

قال لي الناس هيسرقوا قلت له يا عم خليه يسرقوا والاغنياء يجيبوا. سرقوا الساعة هنجيب ساعة غيرها سرقوا المصاحف نجيب
 مصاحف غيرها ما يجراش حاجة نسأل الله عز وجل ان يهدي السارقين. وان يتوب عليهم. اللهم تب على النصابين. اللهم تب على
 الحرامية اجمعين. اللهم - [00:23:02](#)

وتب عليهم واغنهم بالحلال يبقى نمرة واحد القرآن اتنين الصيام ثلاثة خذ بحزك من العزلة اربعة الزكر الزكر ده هو الدوا الزكر سبحان
 الله العزيم يمكن اكثر الناس بيعرف فضل الزكر متأخر قوي - [00:23:21](#)

اما يكبر في السن يبدأ يعرف فضل الزكر حياة القلوب الزكر اعزم ما يقرب الى الله ويحبب الى الله مش انا اللي بقول كده قال
 رسول الله صلى الله عليه واله وصحبه وسلم. الشلة اللي الناحية دي دي ما بيصلوش على النبي من المرة اللي فاتت وانا ناسي. وانا -
[00:23:57](#)

عليكم وساکت بس بشوف اخرتها معكم قال رسول الله صلى الله عليه واله وصحبه وسلم الا ادلكم على خير اعمالكم. قل معي ازكاها
 عند مليككم و خير لكم من انفاق الذهب والورق و - [00:24:27](#)

خير لكم من ان تلقوا عدوكم فتضربوا اعناقهم ويضربوا اعناقكم قال وما ذاك يا رسول الله؟ قال ذكر الله هذا الحديث اشكل على
 كثير من العلماء. كثير من العلماء قعدوا يتكلموا طب طب ازاى؟ ازاى افضل الذكر افضل من الجهاد في سبيل الله - [00:24:49](#)

خد افضل من الصدقة افضل افضل من كل شيء افضل من الصلاة افضل ان الصلاة تنهى عن الفحشاء والمنكر ولا ولزكر الله اكبر الزكر
 اللي الاخوة غافلين عنه الزكر لسانك ما يسكتش - [00:25:14](#)

شغال طول الوقت استغفر الله استغفر الله استغفر الله استغفر الله استغفر الله استغفر الله استغفر الله. اشتغل لا اله الا
 الله لا اله الا الله لا اله الا الله لا اله الا الله - [00:25:41](#)

لا اله الا الله لا اله الا الله لا اله الا الله. اللهم صلي وسلم وبارك على سيدنا محمد وعلى اله وصحبه اجمعين. اللهم صلي
 على سيدنا محمد وعلى اله واصحابه - [00:25:53](#)

اللهم صلي على سيدنا محمد وعلى اله وصحبه اجمعين. اللهم صلي على سيدنا محمد وعلى اله وصحبه وسلم اشتغل اشتغل في
 الذكر مش هقول عن ارقام ولا هقول اعداد ولا هقول وقت ولا هقول نوع - [00:26:03](#)

وزي ما قلت لما تجرب الزكر استغفر وصلي على النبي. صل عليه. صلى الله عليه وسلم. وهلل قل لا اله الا الله. وقل لا حول ولا قوة الا

بالله. وقل الحمد لله. وسبح - 00:26:20

جرب كل انواع الزكر في الاخر هتلاقي حاجة هي اللي اللي غسلت قلبك. اللهم اغسل قلوبنا اللهم اغسل قلوبنا. اللهم اغسل قلوبنا.

الزكر يغسل القلب غسيل دش بس لما يبقى ايه - 00:26:37

كثير مش يقول ثلاثة وتلاتين مش يقول عشرة كل يوم لا يبقى كسير بعشرات الالاف لا تكف عن الزكر. هذا هو البرنامج ابدأ اشتغل

00:27:07 - واسأل الله ان يرزقني واياكم القبول

كانا عبدالله بن ابي رواحة رضي الله عنه نائما يوما في حجر امرأته فبكى فلما نظرت اليه يبكي بكت فلما رآها تنتحب سكت وقال ما

يبيڪيڪ قالت رأيٽڪ تبكي فبڪيت لبڪائڪ - 00:27:34

فما الذي ابكاك قال زكرت قول الله عز وجل وان منكم الا واردها كان على ربك حتما مقضيا ثم ننجي الذين اتقوا ونثر الظالمين فيها

جسٻا فبڪٽ فبڪٽ حٽى اغمى علبها - 00:28:24

عمرك عملتها واحد رأسه في حجر امرأته بيفكر في ايه سبحان الله عشان كده قلت في نفسي لما تزكرت الاسر ده فين الرجالة دول

00:29:12 - فين الرجالة دول اللي يذكراية وهو -

رأس على فخذ امرأته ويبيكي وتبكي فين النسوان دول فين اخوتي اننا بحاجة الى وقفة لنرى الى اين احنا كافراد رايعين على فين

كل الناس مشغولة اليومين دول البلد راحة على فين - 00:29:52

يا عم البلد مش هو فى وقت من الاوقات اضطر يقول ايه انا رب الابل وللبيت رب يحميه فاحنا عايزين الشهرين دول شعبان ورمضان

انا مسئول عن نفسي عايز اشوف انا رايع على فين - 00:30:40

وللبلد رب اللهم قيد لهذه الامة امر رشد يعمل ويحكم فيه بكتابك وسنة نبيك. اللهم اكفنا شر الاشرار. وكيد فجار اللهم انا ندرأ بك في

نحورهم ونعوذ بك من شرورهم. اللهم انتقم من الظالمين الذين يفسدون فى الارض ولا يصلحون - 00:31:06

اللهم ولي علينا خيارنا ولا تولي علينا شرارنا واكفنا شر الاشرار يا رب العالمين ايها الاخوة لما قرأنا في صلاة المغرب تلك الدار الآخرة

كانه حين قال ربنا جل جلاله - 00:31:29

تلك الدار الآخرة قال هي دي هي دي الآخرة تلك الدار الآخرة هي دي الآخرة لو جنبنا بقى من اول الآلية فخرج على قومه فى زينته

قارون لما قالوا له اتق الله وابتغى فيما اتاك الله الدار الآخرة - 00:31:59

بعض الناس احيانا تزيدده التذكرة طغيانا قال لهم طب انا هاوريكم بقى فخرج على قومه فى زينته راح مطلع الزينة بتاعته كلها

الذهب المجوهرات اه ما يملك وفرشها على عربيات - 00:32:30

ولف بها في البلد والناس وقفوا على الصفين يعملوا ايه يتفرجوا ودي مصيبة الفرجة انا بقول ان في ناس هوايتهم انه يتفرج هواية

ينزل وسط البلد يمشى على قدام المحلات يبص بس على على الفترينات - 00:32:59

ایواء مازون کان مش شرط ینزل نص البلد دلوقتى البلاد کلها بقت فیها اکتوبر فی ای حته فی ای حته بس یمر یبص علی المحلات.

يا نهار ايض! جزمة بتسعة وتسعين جنيه وتسعة وتسعين قرش - 00:33:28

ومش عارف القميص بكام وبيتفرج وفقط ماشى فى الشارع بس ببص على العربيات ودى نوعها ايه ودى بكام دلوقتى ودى ماركتها

ايه ودي ماشى ببص على النسوان ويجى يقول لك ده - 00:33:43

آآ فی فجور زائد الیومین دول ده النسوان بقت تلبس حاجات عجیبة. شفت واحدة لابسة طب شفت لیه اللهم استرنا یا رب ده فیہ

اخوة وشباب لایسین مش عارف ایه - 00:33:59

الشاهد عينيك نهانا الله عن هذا نهيا صريحا. قال الله لا تمدن عينيك الى ما متعنا به ازواجا منهم زهرة الحياة الدنيا لنفتنهم فيه. لا

تمدن نهی صریح لا تمدن عینیہ ما تبصش - 00:34:19

ما تبصّر ولذلك جاء التحذير الشديد من السلف من النظر إلى بيوت الظلمة نهوا عن النظر إلى بيوت الظلمة. يعني بيت الظالم نفسه

ما تَصْلُوْشِ عَرِيَّتَهُ فُضِّلًا عَنِ النَّظَرِ اِلَى وَجْهِهِ نَفْسُهُ - 00:34:45

الى الظالم نفسه قلنا ان دي عقوبة ام جريج العابد لما غضبت عليه دعت عليه بايه؟ اللهم لا تمته حتى تريبه وجوه المومسات فاللي بينزر في وجوه المومسات ده معاقب. امه داعية عليه - [00:35:10](#)

الشاهد غض بصرك عن هذه خرج على قومه في زينته قال الذين يريدون الحياة الدنيا يا ليت لنا مسل ما اوتي قارون. يا سلام! هي دي الناس اللي عابشة انه لذو حظ ده راجل محظوظ - [00:35:38](#)

الشاهد فخسفنا به وبداره الارض الارض اتشقت وبلعته. والناس بتتفرج واقفين على الصفيين وهو ماشي في وسط الارض اتشقت في الوسط وبلعت قارون وما يملك ان ربك لبالمرصاد فاه قال الذين تمنوا مكانه بالامس - [00:36:01](#)

اللي كانوا بيقلوا يا ليت لنا مسل ما اوتي قارون. قالوا ايه وي كأن الله يبسط الرزق لمن يشاء من عباده ويقدر وهي كلمة تعجب كانهم ما فاقوش ولا فهموا الا بعد ما خسف به الارض - [00:36:42](#)

قال الله تلك الدار الآخرة هي دي الآخرة نجعلها للذين لا يريدون علوا في الارض ولا فسادا ازن في بداية كلامنا في الرحلة الى الدار الآخرة قلنا عايزين رجل الآخرة - [00:37:06](#)

اهل الآخرة. هل انت من اهل الآخرة اللهم اجعلنا من اهل الآخرة. ايه الدليل ايه الدليل على انك انت مش من اهل الدنيا؟ انت من اهل الآخرة انك لست رجل الدنيا انت رجل الآخرة. ما الدليل؟ ما الاسباب ان انت رجل للآخرة؟ ان انت من اهل الآخرة. انك تحب الآخرة - [00:37:28](#)

تريد الآخرة قال الله ومن اراد الآخرة سعى لها سعيها لها سعي خاص وهو مؤمن فاولئك كان سعيهم مشكورا الشاهد يا اخوة اهل الآخرة من اول صفاتهم واوضح مميزاتهم - [00:37:52](#)

ان الآخرة دائما نصب عينيه قال لو فارق ذكر الموت قلبي خشيت ان يفسد علي قلبي طول الوقت بيقول يا رب اموت طول الوقت عايش حالة الموت طول الوقت الآخرة نصب عينيه. عشان كده عبدالله بن رواحة حتى وهو نائم في حجر امرأته تذكر - [00:38:29](#)

الآخرة تذكر الآخرة وان منكم الا واردها. الكل هيعدي عليها. هي ايه جهنم وان منكم الا واردها. الكل ان منكم سيرد اخبرنا عن حتمية الورد ولم نأمن الصدور من سيصدر عنها - [00:39:05](#)

الكل هيعدي على جهنم قبل ما اقول الصراط والمرور على جهنم فانتنا حتة قال ربنا جل جلاله كلا اذا دكت الارض دكا دكى وجاء ربك والملك صفا صفا رجيم يومئذ بجهنم - [00:39:45](#)

يومئذ يتذكر الانسان وانا له الزكري حين تنفتح السماء فتصير ابوابا وتطير الصحف ويتم الوزن يأتي الله وجاء ربك والملك هل ينظرون الا ان ياتيهم الله في زل من الغمام والملائكة - [00:40:29](#)

وقضي الامر ان ياتي الله نسبت صفة الاتيان ونفوض في الكيفية فالاتيان معلوم والكيف مجهول والايمان به واجب والسؤال عنه بدعة يأتي الله والملائكة صفا صفا والقرآن دايما اقول لكم ما بيتاخذش بالكيلا كده لا بيتاخذ بالكلمة. عشان كده السياق السياق خطير. سورة الفجر - [00:41:16](#)

قال الله فاما الانسان اذا ما ابتلاه ربه فاكرمه ونعمه فيقول ربي اكرما واما اذا ما ابتلاه فقدر عليه رزقه فيقول ربي اهنا كلا اوعى تفكر لما ربنا يدرك دنيا - [00:42:08](#)

يبقى بيحبك ابا ابا اعطاء الدنيا ليس علامة الحب ابا ابا لم يكن قط علامة حب الله وانما علامة حبه لك ان يفتح لك عمل الآخرة ابواب عمل الآخرة يفتحها ويحببها اليك. ويبسرها لك ويتقبلها منك فيرزقك اثرها في قلبك. يبقى - [00:42:34](#)

كده بيحبك بس ما فيش علامة تانية غير دي اما الدنيا فالله يعطيها لمن يحب ومن لا يحب بالعكس ده الكفار اسعد الناس بالدنيا. صح ولا لا؟ هم اسعد الناس بالدنيا - [00:43:10](#)

عشان كده ربنا قال فاما الانسان اذا ما ابتلاه ربه فاكرمه ونعمه. يبقى لما اكرمه ونعمه ابتلاه ده بلاء واما اذا ما ابتلاه فقدر عليه رزق ايضا بالتقدير الرزق ابتلاء - [00:43:34](#)

كلا بل لا تكرمون اليتيم ولا تحاضون على طعام المسكين. وتأكلون التراس اكلا لما وتحبون المال حبا جما كلا كلنا هتفهم كل اللي فات ده ازا دكت الارض دكا دكا - [00:43:54](#)

وجاء ربك والملك صفا صفا وجيء يومئذ بجهنم قال رسول الله. صلى الله عليه واله وصحبه وسلم. يؤتى يومئذ بجهنم لها سبعون الف زمام على كل زمام سبعون الف ملك يجرونها - [00:44:22](#)

عارف يعني ايه سبعين الف زمام؟ سبعين الف آ طرف سبعين الف ايد سبعين الف باب مفتاح جهنم اللهم نجنا من النار يا هروب سبعين الف زمام - [00:45:03](#)

كل زمام سبعين الف ملك ماسكينه سبعين الف ملك انت مقدر كلمة سبعين الف يطلعوا قد ايه دول يعني؟ العدد الضخم ده ماسكين طرف من اطراف النار. ماسكينها فتزفر بهم زفرة يومها يشيب لهولها الولدان - [00:45:31](#)

اذا القوا فيها سمعوا لها شهيقا وهي تفوت تكاد تميز من الغيظ جهنم مفتاحة قال رسول الله صلى الله عليه وسلم يخرج من جهنم لسان زلق طلق يقول الي يا منافق الي يا كافر الي يا فاجر فتلتقطهم من الموقف كما يلتقط - [00:46:00](#)

الطير الحرب واقف في وسط الناس ولا على باله يفاجأ بلسان من النار يطلع كده تعالى يا فاجر تعال يا مجرم تعال يا تنقيهم نقاوة ثم لنحن اعلم بالذين هم اولى بها صليا. دي قبلها - [00:46:40](#)

على طول ده اللي هيعدي اللي فاضلين. لكن النقاوة هيتاخدوا في الاول من الموقف على طول. زي ما هيطلع اللي يدخلوا الجنة بغير حساب برضو في النار بغير حساب. كده - [00:47:26](#)

عدل اللهم نجنا من النار يا رب وجيء يومئذ بجهنم يومئذ يتذكر الانسان واني له الذكرى يقول يا ليتني قل بقى يا ليتني للصبح وما عدش فيها يا ليتني ولات حين ليت - [00:47:43](#)

بعد ان يعرض الناس على الله ينادون هيا الى الصراط احنا قلنا بس كانت الحطة اللي فاتتنا ان يأتي الله والملائكة وان يؤتى بجهنم فصارت الان جهنم حاضرة في الموقف - [00:48:37](#)

في ارض الموقف جهنم موجودة وينصب عليها الصراط هذا هو الصراط زي ما انتم شايفين شايفين سلم يا رب سلم بجهنم والعياز بالله وهذا الصراط منصوب على شفيرها بالزبط كده تحديدا - [00:49:09](#)

اقف عشان تشوف لازم تشوف الوضع مخيف الصراط اهو منصوب على شفير جهنم اقعد بقى الصراط منصوب على شفير جهنم وآ الكل واقف في هزه الجهة ومطلوب منه ان يمر الى الجهة المقابلة - [00:49:50](#)

ان يتجه الى الجهة الاخرى عدي مر وانت واقف هنا اركب الصراط وانت شايف جهنم مولعة تحت والعنار لهالبها واصلة لاطراف الصوت وانت واقف مر وصراط عليه كلاليب كلاليب هذه الكلاليب تدور - [00:50:36](#)

انا بحاول نعطيك نموذج محسوس للاخرة عشان قلبك يفوق نموذج محسوس للاخرة عشان تحس بالخطر. انا عايزك تحس رجلك وهي محطوة على طرف في الصراط تحس والكوت ده بيتغرز في بطنك - [00:51:17](#)

هتعمل ايه احساس عايزك تحس احساس حقيقي دلوقتي. الكلوم الاول كلوم التوحيد وعمال يلف على الصراط كده بيلف على الصراط يعني بيلف كده عدي هيعدي ازا عدي والكلوب ده عمال يلف ويدور. مش كلوب واحد بقى كلاليب. كلاليب شتى - [00:51:47](#)

كلهم التوحيد كلهم الثاني كلهم الصلاة كاللوم الثالث كاللوم الزكاة كاللوم الرابع كاللوم الصيام وهكذا اساليب متعددة وكلها عمالة تلف تلف بتلف. بتصيب بصمة مستمرة حد يمشي اذا كان هو موحد - [00:52:21](#)

عدي من كلوب التوحيد جه عند كلوب الصلاة. الصلاة فيها نقص. يروح كلوب الصلاة. جايه من بطنه قلبه في جهنم ينزل في جهنم صلي لحد ما يخلص اللي عليه واطلع هات من الاول. ابدأ امشي الصلاة من الاول عدي كل يوم التوحيد. وعدى كلم الصلاة جه عند كالوم الزكاة - [00:52:47](#)

ذكر عدي ما زكاش كان له مش زكا يجيبه من بطنه يروح منزله جوة جهنم يقضي معالم للسكن في جهنم ويطلع وهكذا اتفضلوا

اجلسوا يومئذ يتذكر الانسان وانا له الذكرى - 00:53:11

يقول يا ليتني قدمت لحياتي فيومئذ لا يعذب عذابه احد ولا يوشك وساقه احد عارف يعني ايه يوثق تكتفه هيكتفك الصراط

منصوب وانا عايزك تحس الليلة دي بالصراط قال رسول الله ادق من الشعر - 00:53:49

واحد من السيف ارفع من الشعراية وحاد زي السيف يقطع رجلك نصين طبعاً في ناس اللهم اجعلنا منهم يا رب الناجين انواع منهم يمر كالبرق ومنهم كاجاويد الخيل ومنهم من يعدو عدوا جري جري ياخذها جري. ومنهم من يمشي ومنهم من يقوم ومرة ويقع مرة -

00:54:32

عارفين القضية دي ازاى زي الدنيا بالزبط اللي كان في الدنيا على الصراط المستقيم بري مسارح الى مرضات الله في الآخرة هيبقى

صادم عن الصلوات الآخرة كده برضو. اللي كان النهاردة في الدنيا بيقوم ويقع شوية - 00:55:11

شوية يسبب شوية يعصي وشوية يطيع. شوية حاله كويس وشوية حاله تعبان. وقاعد يتدلج ويقول لي انا حالي شوية شوية في الآخرة برضه كده هيقوم عن الصلاة ويجي الكلوب يجره نزله في جهنم قضى اللي عليه ويطلع تاني. ويعيد من الاول. كل مرة يعيد -

00:55:34

من الاول تخيل معايا روح بقلبك وانت بتعدي على الصراط ده عشان كده سيدنا عبدالله ابن رواحة بكى بكى هعدي ازاى كيف نور؟ سيدنا النبي نفسه صلى عليه صلى الله عليه وسلم لما سألته السيدة عائشة هل تذكرون اهلكم يوم القيامة؟ قال اما عند سلاس فلا -

00:55:57

اريدك ان تستشعر هذا المعنى حس بالصراط تحت رجلك حس بالكلو بنفسه ازاى ازاى بيلتف وانت تعدي منه؟ حس بعدد الكلايب. يا

تري انهي كلوب هيجيبك وامامك الان فرصة فرصة - 00:56:27

لتستدرك ابدأ عدها كلوب كلوب بالتوحيد قل اللهم اني اعوذ بك ان اشرك بك شيئاً وانا اعلم واستغفرك لما لا اعلم. تخلص من الشرك

الصلاة زود النوافل لتعوض عنك النقص في الفرائض - 00:56:52

الزكاة الناس اللي بتحاسب ربنا بالمليم وتقول لأ انا هعاملها على على على الزهـب مش على الفضة يا ابني ما تحاسبش ربنا انت

متضيق على نفسك قال رسول الله صلى الله عليه وسلم يا اسماء انفقي ينفق عليك ولا توكي فيوكي عليك - 00:57:21

انفقي قال لا خير في هذا المال الا من قال به هكذا وهكذا وهكذا. بعتر بهتر فلوسك لوجه الله لا تبكي يعني ما تربطش الكيس

ما تحزمهمش وتربطهم وانت وترصهم لا تبكي فيبكي عليك - 00:57:48

فلذلك في السكن تصدق كثيراً عشان لو عليك حاجة في الزكاة تعوضها الصدقة وهكذا امشي مع شعب الايمان شعبة شعبة اعلاها لا

اله الا الله وادناها امانة الازى عن الطريق خلصهم عشان تيجي امن تعدي من قدام - 00:58:13

على الصراط وكل الكلايب تفوتك تفوتك وتفوت وتعدى او تمر كالبرق لا يشعر بك. اخوتي استشعروا هذا المشهد لا تنسوا هذا المنزر

استشعروا هذه الكلايب وهذا الصراط واعمل لهذا اليوم تنجو منه غدا. اسأل الله جل جلاله ان يرزقني واياكم العمل. احب -

00:58:33

احبكم في الله - 00:59:02